

# ALAHADY NY NY FO MASIN'I JESOA

## TAONA B 2021



*« Miderà an'ny Tompo, miantsoa ny anarany; torio amin'ny firenena ny asany lehibe, ataovy antso avo, fa tafasandratra ny anarany » (IZ. 12: 4)*

Ry Kristianina havana, tamin'ny Alahady lasa teo isika no niara-nibanjina fa tsy Andriamanitra lavitra ny Andriamanitsika fa Andriamanitra eo anivontsika. Raha ny marina dia tokony nanao prôsesio isika namakivaky ny tanana sady nanambarantsika ny finoantsika fa tsy Andriamanitra lavitra ny Andriamanitsika fa mpiara-belona amintsika no nitalahoantsika an'Andriamanitra Be Famindram-po handrotsaka ny tsodranony. Nataontsika an'eritreritra, am-panahy io dia mivavaka" namakivavky ny tanànantsika. Azo lazaina fa fanehoam-pinoana lehibe no ataontsika ka matoky isika fa tsy havelan'Andriamanitra isika. Mamelona antsika Andriamanitra amin'ny alalan'ny vatany sy ny ràny anambarany fa be fitiavana tokoa lzy. Izany fankalazana izany koa dia maniraka antsika ho Eokaristia

Velona, ho TABERNAKLA VELONA eo anivon'ny mpiara-belona amintsika. Isika izao no Eokaristia tahaka an'i Masina Maria nandeha namangy sy nanompo an'i Elizabeta rahavaviny, tahaka an'i Victorie Rasoamarivo, tahaka Lucien Botvasoa olontsambatra nanolotra ny ainy noho ny fitiavany ny tanindrazany. Isika ihany koa

Vakiteny I : Os. 11:1,3-4,8c-9,  
Tononkira : Izaia 12  
Vakiteny II : Ef. 3:8-12,14-19,  
Evanjely : Jo. 19:31-37,

amin'ny alalan'ny fanorenana Eglizy Olona Velona dia haneho fa Eokaristia ny fiainantsika. Tamin'ny Zomà teo no nankalazana ny Fo Masin'i Jesoa fa noho izy mpiaro ny diosezintsika dia ankalazaintsika amin'izao Alahady izao ny fetin'ny FO MASIN'I JESOA ka ato amin'ny Katedraly isika no miaramankalaza ny Fo Masin'i Jesoa. Omaly Asabotsy isika nankalaza ny Fo Madion'i Maria.

Amin'izao Alahady hibanjinantsika manokana ny Fo Masin'i Jesoa, Alahady faharoa manaraka ny Pantekôty izao, entanin'ny Fanahy Masina isika no miroso na dia eo aza ny sakana rehetra vokatry ity KORONTANAVIRUS ity. Miroso isika ho EO V MISIONERA VITA BATEMY KA IRAHINA ZARY TABERNAKALA VELONA. Loharano sy fototra ho antsika ny Fo Masin'i Jesoa. Araka ny Evanjely dia nisy rano sy ra no nivoaka avy amin'ny lanivoan'i Jesoa. Io no manambara ny fahaterahan'ny Eglizy

sy ny Sakramenta mamelona azy. Sambatra isika izany manana ny Fo Masin'i Jesoa ho Mpiaro. Tena ny atin'ny fiainantsika vita batemy no banjinintsika ao amin'ny FO MASIN'I JESOA. Izany fibanjinintsika izany anie tsy ho "sentosento" fotsiny fa hanosika antsika hanahaka ny Fo Masin'i Jesoa ka zary FO ho an'ireo mpiara-belona amintsika. Tsy hoe ilay Fo nofo mitempo ao anatintsika no ambara eto fa ilay FO manambara ny fitiavana antsika olombelona. Entanin'ny Fanahy Masina tokoa isika izao mba ho Eokaristia ka ho FO tahaka an'i Jesoa. Mila FO tokoa izao andro sarotra izao. Hoy ny Papa : "Tena ilaina ny vaksiny fa ny tena ilain'izao tontolo izao kokoa dia ny fanantenana tsy fitiavana hanarina izao fiainana potika tanteraka izao. Tsy aiza no ipoiran'ireo fa ao amin'ny FO. Ny FO tokoa no maha olona antsika. Ao no angovo mandrisika antsika hanana fitiavana, ilay fitiavana mahafofy tsy misy tambiny, tsy misy takalo fa fitiavana maimaim-poana ka mahatonga antsika hahafoy, hanompo tahaka an'i Jesoa. Noho ny fanolorany ny tenany dia tonga zanak'Andriamanitra isika. Raha fintinina ny fitiavana lazaintsika eto dia ny fahaizana mandray ny hafa araka ny maha izy azy ary manolotra ny maha izy azy ny tena. Misy takalo sarobidy izany ny fitiavana. Ao amin'ny fo no mitoetra izany rehetra izany. Amin'ny Fo Masin'i Jesoa anefa dia takalo sarobidy tokoa nefa takalo azo lazaina fa tena "perte" fahaverezana satria tsy mitovy mihitsy ny takalo eto. Izany anefa ny fitiavana tsy misy fetra. Izany ny FO MASIN'I JESOA. Tena very lzy mba hananantsika ny hafenoana. Nanao ny experience I Md Paoly ka nilaza tsy mihambahamba "ao anatin'ny fahalemena, hoy Jesoa, tamin'i Md Paoly no iantsoako anao, mandray antsika araky ny toetrantsika i Jesoa".

Izao fankalazana manetriketrika ny Fo Masin'i Jesoa izao anie hahatonga antsika ihany koa ho FO amin'ireo manodidina antsika, FO feno fitiavana, mandray ny hafa araky ny maha-izy azy, araky ny fahalemeny, araka izay toetra ananan'ny olona ary manolotra ny maha antsika antsika. Izany no fototra mahatonga fanorenana mari-pototra sy tsy ho voazongozona. Ny talenta omen'Andriamanitra antsika dia entintsika manompo ny hafa mba hahafahantsika manorina izany Eglizy Tranon'Andriamanitra sy Eglizy Olona Velona izany.

Misy dikany manokana ny fankalazana ny fetin'ny Fo Masin'i Jesoa amin'izao andinihantsika ny Annexe fahatelo izao : "Fianakavina "Eglizy kely" mahafofy, mifanompo ao anatin'ny fahamarinana ka mifampitsimbina sy mifanao soa mikatsaka ny soa iombonana. Ny fo no loharano sy fototra mitondra amin'io fiovam-penitra mahery vaika hitarika hanao safidy araka ny sitrapon'Andriamanitra fa tsy araka ny sitrapontsika. Izao tokoa ny fotoana mila hanaovantsika "safidy" hitondra amin'ny depart vaovao. Ho Pantekoty vaovao hitarika antsika amin'ny fanorenana ny FRATELLI TUTTI hahatonga antsika ho OLO ARAIKY ISIKA JIABY araka ny nofinofin'ny Papa sy nofinofintsika. Mila FO izay FRATELLI TUTTI ka ny FONTSIKA manahaka ny Fo Masin'i Jesoa no angovo manosika antsika amin'izany. Araka ny averimberintsika, hafa ny talohan'ny KORONTANAVIRUS, hafa ny vanim-potoan'ny KORONTANAVIRUS izay indrisy iatrehantsika ireo fahapotehan'ny zavatra maro dia ireo fifandraisantsika fototra telo... ary ny vanim-potoana manaraka izao KORONTANAVIRUS izao izay irintsika ho Pantekoty vaovao ho antsika. Tanteraka izany raha mahay mifampitsimbina, mifanao soa ao anatin'ny fampanjakana ny marina sy ny fikatsahana ny soa iombonana. Araka ny voalazantsika teo dia ny FO NO IVON'IZANY. Mila miova ny fontsika hanahaka ny Fon'i Jesoa : FO MAHAFOY SY MANOMPO. Tsy irery isika amin'izany fa miaraka amin'ny FO MADION'I MARIA. Izany no tsy mampisaraka ny fankalazana azy ary lzy Fo anankiroa no Mpiaro ny diosezintsika.

Ny tenin'Andriamanitra novakintsika dia manambara fa ilay Fon'i Jesoa dia tsy manavakavaka, tsy manilikilika fa mikarakara antsika, mahalala ny ondriny lzy, miahy antsika lzy hoy Ezekielia

mpaminany : *“Hoentiko mivoaka avy any amin’ny hafa firenena izy, ary hangoniko avy any amin’ny tany samihafa, hampodiako eo amin’ny tena taniny izy, dia handrasako eny amin’ny tendrombohitri’i Israely, eny an-dohasaha aman-toerana rehetra onenana amin’ny tany”*. Izany no katsahintsika amin’izao ezaka ataontsika amin’ny fanaovana “depart vaovao” izao mba hiroso amin’ny Pantekoty vaovao fa indrindra manampanirina hanao sinaody isika. Vanim-potoana lehibe amin’ny fiainan’ny Eglizy ny sinaoda satria ny tanjony dia fanorena Eglizy Olona Velona tokoa. Io no voalazan’ny Mpaminany Ezekielà, hiaraka hiangona isika, hiaraka handinika isika, avy amin’ny toerana maro samihafa isika, manana hevitra maro samihafa isika fa hibanjina kosa an’Ilay mpiandry ondry tokana dia i Jesoa satria Izy no mpiandry antsika rehetra. Mikarakara izy, ireo nania dia averiny. Enga anie izany tokoa ny ho vokatr’izao dingana tiantsika atao izao, hanorina ETA sy EOY satria Andriamanitra tokoa no mpiandry antsika ary Izy no hany Tompo-marika sy Mpanorina fa isika kosa mivondrona ao Aminy.

Manambara koa i Md Paoly fa matoa isika afaka miombona, matoa isika olo araiky ao amin’Andriamanitra dia satria efa narotsak’Andriamanitra ao am-pontsika ny Fanahy Masina fitiavan’Andriamanitra.

Ry Kristianina Havana, ny Fanahy Masina no aoka hanentana antsika, raha ao am-pontsika tokoa ny Fanahy Masina dia ho lavitra antsika ny fialonana, ny avonavona, ny fitiavan-tena manapotika ny fiainantsika andavanandro mba hahatonga antsika ho tena mpanorina tokoa eo amin’ny fiainantsika. Fantaro àry fa raha miaraka amin’ny Fanahin’Andriamanitra isika na dia mpanota aza dia antsoin’Andriamanitra amin’ny fiombonana Aminy.

Ny Evanjely dia manambara fa ilay Tempoly tsara dia i Jesoa, mikarakara sy be famindram-po Izy ary ny katsahiny dia mba ho iray ao Aminy isika rehetra, ho Olo araiky ao amintsika, ho fianakavian-janahary. Izany no tadiavin’Andriamanitra sy ny lahatr’Andriamanitra amintsika. Na dia manao ahoana ny toetrantsika dia mitady hihavana amintsika Izy. Izany koa no tokony ho toetrantsika amin’ny fanorenana ataontsika, miara-paly amin’ny fitiavan’Andriamanitra, na ireo very na ireo efa ao mba ho iray ihany ao amin’Andriamanitra, ao amin’ny Fon’i Jesoa.

Izany no mahatonga antsika raha te hanorina fihavanana marina isika, raha te hametraka politika lavorary araka ny fampianaran’I Papa François amin’ny Ansiklika dia mila diovina ny fihavanana, mila fihavanana évangélisé izany hoe sady kristianina no Malagasy. Ny fitoerantsika, ny fipetrahantsika amin’I Jesoa no hanadio ny fihavanana satria nampanantena I Jesoa fa tsy maintsy rantsanana ny sampana mba hamokatra bebe kokoa ary hitondra amin’ny fifaliana lavorary. Meteza àry isika ho diovina ny Fanahy Masina

Ry Jesoa Tompo ô, ny Fonao tokoa no banjininay amin’izao fankalazana ny Fo Masin’i Jesoa izao, nisy rà sy rano nivoaka tamin’ny Fonao manambara ny fanorenana ny Eglizy. Mikasa hanorina Eglizy Olona Velona Misionera Tabernakla Velona izahay. Maniry hanorina Fianakavian-Janahary, Fratelli Tutti, Olo Araiky mifampitsimbina, mifanasoa ao anatin’ny fahamarinana, mikatsaka ny soa iombonana. Enga anie hahay hanararaotra ny fandalinana ny Annexe 3 izahay mba hikatsahana mandrakariva ny sitrakao fa izany no lalana mitondra amin’ny fanorenana ny ETA sy EOY. Hahay hanararaotra ny fanentanan’ny Fanahy Masina anie izahay ka zary Pantekôty vaovao ho anay tokoa izao sedra mafy be mampahatsiaro ny ady natrehin’ireo Kristianina tamin’ny fanombohan’ny Eglizy. Mila fanombohana vaovao izahay hiroso amin’ny lalindalina kokoa. Tsaroanay am-bavaka ireo tsy

misy mpiahy, ireo marary ary indrindra ireo lavon'ity areti-mandoza ity, tsy hadino ireo mpitsabo isan-tsokajiny amin'izao fankalazana ny Fonao Masina izao. Enga anie hahita Fo feno fitiavana tahaka Anao izy ireo ary ampio izahay mba ho Fo hahay mandray ny maha-izy azy an'ireo manodidina anay ary ho Fo vonona hanolotra ny tenanay amin'ny maha izahay anay amin'ireo manodidina anay ka hahatonga anay ho mpanorina tokoa araky ny sitrakao. Enga anie izahay ho EOY MISIONERA TABERNAKLA VELONA. Ry Fo Madion'I Maria ampianaro izahay haka tahaka hatrany Fon'I Jesoa zanakao. Md Josefa Ianao no Ray Mpiaro ny Eglizy eran-tany mivavahà ho an'ny Ray aman-dreny na Ray aman-dreny mitondra eo anivon'ny fiaraha-monina na ireo Ray aman-dreny eo anivon'ny fianakaviana mba hanana FON-DRAY tokoa vonona hanompo sy hahafoy. Manana modely izahay amin'izany dia Lucien Botovaso Olontsambatra. Ianareo Olomasina sy Olontsambatra Malagasy mivavahà ho anay mba hanana FO vonona hanompo mandrakariva izahay. Amen

Mompera Arseveka Mgr Benjamin Ramaroson